

▲ 歐洲媾和會席上美總統屬於國際同盟之議論

第三年

據上海申報二月四日登載正月二十日之巴黎電有云。今日媾和大會舉行第二次全體公開會議。由克勒滿沙君主席。各國代表全體與會。先由威爾遜總統提出國際同盟議案。並發演說略曰。

吾人相集於此。作用有二。一為解決因戰事而起之現局。二為商定維持和平之方法以永奠世界和平。在余觀之。此二作用皆以國際同盟為必要焉。今待解決者多為複雜問題。和會縱決定之。但恐未能有效得達最後之目的。蓋就余研究所及者言之。若干問題今尙未能得明澈之裁判。故目前所解決者。日後尙有續須考慮與刪改之處。此云。

織一種機關。以續成和會事功之所以為必要也。吾人非為政府之代表。但為人民之代表。徒使政府滿意不

濟事。吾人當思有以贊人類之公論。

各交戰國人民所荷戰爭擔負至深且鉅。無待余言。為之代表者宜於戰後把晤一堂。

之和局。絕類似之犧牲。此即人民期望吾人。囑託吾人者。是以吾人尊嚴義務。在規定持久辦法。俾公道得以寔施。而昇平得以維持。吾人會議前之旨。即在於此。夫解决或屬暫時事。而國家注重和平公道之行為。則應屬悠久事。吾人雖未能作悠久之判決。但未始不可作悠久之進行也。才大之發明化驗室之研究。課室之考索。咸轉注於破壞文化之一途。此豈非駭人之事。失敗之德人。曾精究科學。用之於戰爭。以求速完其破壞車。後欲使科學與武士常受文化之羈勒。唯在吾人永遠協力監視之耳。美國加入戰局。始終不作干涉歐洲亞洲或世界他處政治之念。其所置

戰八

則以為全世界皆知民族雖不同。地方雖各異。然公道與自由之主義則一也。若所與聞者全屬歐洲解決事件。則美國將覺其致力於戰爭者為徒然矣。且歐事解決之擔保。與世界和平之監視。未可分析。否則美國不能與聞擔保歐事之解決。由是言之。吾人必須集其最善之判斷力。務以國際同盟為生命所必需之一物。余在歐洲游歷數國。聆人民之輿論。無不以國際同盟為期望。人民心思寔注於此。苟不為之。不將失人民之望乎。諸君當知人類之居高位者。今不復為人類之支配人。蓋人類之命運。今已操諸全世界平民之手。苟無以贊其所願。則雖有辦法。終無以奠定世界之和平。美國人民所藉以表示其戰中尊旨與觀念者。及各國所視為解決時事之根據者。寔以國際同盟一舉為全部之主幹。若余等遄返美邦。而不盡力以求此舉之寔現。則必受美國人民之呵責。美國人民既望其代表發揮其主義。而為之代表者。又職為公僕。除服从國人命令外。別無他道。余等既樂受國人此種命令。而又知此為全部主幹。尤為致力。故決不敢稍違其命。亦不敢稍有遷就。凡國人所主張者。如世界和平與公道之態度。及吾人非為人上。但為人僕。以使世界人民各擇其王。各管轄自

屬於國際同盟之議論

六二

己前途如其所願之主義。皆余等所不敢讓步者也。吾人在此當使此次戰爭之根一一掃除。所謂戰根者何。即（二）文武政權私相授受。（三）強國侵犯弱國。（三）以武力威脅不願意之人民強令就我範圍合成立帝國。（四）少數人用其威力強使世界從其志願並以人類爲芻狗是也。

苟世界不能脫離上述諸端。則和平斷難成立。幸各國之胸襟高尚者。皆視此爲解決時事之方針。吾人今若採行國際同盟之主義而寔施之。則世人聞之。其所引以爲憂者。即將釋去許多矣。吾美人於發表其尊旨後。始趨入戰場。其所爭者。非僅欲爭戰場上之勝利。亦欲得主義上之勝利也。余對彼等負責。因余取其尊旨。編爲具體辦法。且依據此辦法。而趣其作戰。故余無論何種代價。亦必爲吾國人勉力奮爭。以期達到國人所奮圖以求之目的。幸吾道不孤。同志之士所在皆是。云喬治君繼起演說曰。余固無庸費詞陳說。第須切寔聲明者。英國人民寔贊助國際同盟之議。近五年內。英國領袖。若未能以其所願費之時光。精心研究該問題者。其故乃在彼等方應付其他急不容緩之問題而無暇及之也。余前於國際同盟之當行與否。苟微有疑慮。則當已於星期日所見之景象。前宵滅無餘矣。是日余游之地。數年以前。市廬繁盛。今則車行數小時。荒涼如墟。燒殘破壞。無復能辨認矣。某城者。昔以華美著名。今過其地。徒見瓦積。而非賠款所能修復。法人之愛其土地。勝於任何人民。乃竟被迫助同敵人毀其家室。此誠最酷毒行爲之一端也。距此不遠。且有邱墓無數。若干畝。皆捐命於戰爭者。此皆文明國所行解決彼此爭端唯一有秩序方法之結果也。余視此而自言曰。舍殺戮而別求解決爭端之方法。時矣。余不知吾人能否告成此舉。第既已著手爲之。則即可謂已有成也。於是意國首相歐蘭都君。法國代表波學懷君。及中國波蘭代表均示贊助之意。該案乃由全體一致採納。比國外相希海孟士君起。問各委員會。將如何組織。克勒滿沙君答稱五大國已決定。夕表二人。其餘諸國公舉代表五人。諸國可於明日午後會集公舉之。繼乃仁定五大國列席國際同盟委員會之代表。克勒滿沙君之宣言。諸次之代表頗有異議。海孟士君申請國際同盟與人工委員會應各容比國代表二人列席入港口河道。賠款懲戒委員會應各容比國代表一人列席。塞國應與比國以同數之代表列席於各委員會。希臘首相維尼客洛斯君。請容希臘代表列席於賠款與懲戒委員會。葡國代表要求以代表一人加入國際同盟委員會。坎拿大代表波登爵士。以次大國代表之資格。起稱國際同盟之於其次大。

其重要雖過於五大國。但彼覺此事。並未以適當之方法。陳諸大會之前。此事應交公開之大會核議云。塞維亞代表特倫比哲君。要求列席於賠款委員會。因葡國於戰爭中受損甚巨之故。捷克斯拉夫俄代表皮恩士君。申請列席於各委員會。羅馬尼亞代表白拉蒂亞諾君。申請列席於國際同盟及水道委員會。並特別注意多瑙河。暹羅代表聲稱。凡與特殊問題有

關係之國家應有權利參與此特殊問題之委員會會議。中國代表要求國際同盟委員會與人工委員會應各有中國代表一人。謂海外華工人數甚多。法境英軍曾雇用華工十五萬人。克勒滿沙君答稱大國出兵一千二百萬人。死者以百萬計。故本可就其主動力決定世界前途。但為國際同盟之思想所感動。乃甯願邀請諸次大諸國共謀和平之事業。以其在國會多年經驗言之。委員愈多則成功之機會愈少。故請和會勿多派委員。當此數百萬亟待解除動員之時。尚望各代表勿因手續問題耗費光陰。又謂不欲對人稍有偏屈。但願籌定可速得結果之手續云云。海孟士君與克勒滿沙君辯論良久。後克勒滿沙君請次大諸國於二十七日午後集議選舉委員。此議無人反對。至是休會。

■歐戰庸談

南圻沙的陸海鷗人裴維翰來稿

欲知寰宇之優劣勝敗必灼古今之通理天下之達道又審夫辰勢之所趨而後不爽若循眼前之見造阿曲之談未足以語夫明哲也余觀歐戰而益信吾儒仁義之說不可忽焉述夫泰西雄才大略之拿破崙奮身百戰幾有全歐而卒幽死荒島其西楚之斃垓下乎沉摯篤厚之華盛頓血戰八年卒資與國竟能克樹名邦其少康之復夏社乎五十年前語其強者曰英俄法普而美不與焉乃上下一德力趨新圖而富甲海內其非力行之明驗耶英於利堅自立之後柔懷以德而屬地幾遍全球其非字小之有道耶俄隣支那頗蹈專制之習俄皇於日俄事後亟宜因辰立憲以固人心而且狃常虛應釀怨于民故釁開而叛者得以乘其弊二帝三王之官天下也曰詢謀僉同曰國人皆曰可殺可赦其非立憲之本始耶君之於國猶主翁之理家也扞格不關而能事治未之有也刻薄相待而緩急得力未之聞也非如開誠布公恩結仁育之大法安得今日之臣若民樂犧牲以殉國耶列強聯盟遠美繼援又非義聲之感召耶最難得者比利辰以弱制強而大法得以集事羣雄得以繼武而不衰又曷非斬竿揭木以摧強秦耶得助者昌失助者亡故曰俄之亡不在於革黨煽變

而早在尼拉古無立憲之寔法之勝不待栢林請成而已兆於比利辰抗敵之秋德環列國間非兵力不足以自衛故潛心孤詣一於雄武是圖而講信修睦之風不暇計也及志滿氣盈躍躍思試使無夙釁猶當乘隙以邀功遑知黷武窮兵終蹈不戢自焚之戒然而戰禍酷矣平日區區於講衛生勤撫育今却率數百萬親愛之子弟徇於鎗林彈雨中惻然目之而不得不漠然置之豈人情哉天也蓋嬴秦之暴以開劉氏之基五季之亂以啓宋朝之烈有百年之寇而後有數百年之治安卽此掀天震地之戰功又安非肇綿遠昇平之盛軌德人之虐特爲來者殷鑒耳他日聯邦飲至而吾儒仁義之說將復行於斯世焉紫詮云安知百年後不皆之孔子之教旨哉言乎其亦深灼乎古今之通理天下之達道而又能預審夫辰勢之所趨者歟

文苑 古詩選錄

化州感懷

張漢超

當陳朝紹豐十三年。裕尊公領神策諸軍征占城
鎮化州。於留鎮辰以久在外不得志。故作此詩。

玉京回首五雲深。零落殘魂苦不禁。已闢荒郊埋病骨。海天草木共愁吟。

●陳子敏詩草

贈歌妓三首

唱到西岷第幾回。巫山雲雨暗相催。青袍遊子

閱盡英雄眼不貧。停杯相問又相親。愁催趙女。

春將去。紅粉佳人夜送來。絲竹愁牽情不散。壺樽夢破淚猶開。乾坤不阻人歸路。絆著驢蹄爲看梅。

萬里關山倚月輪。調高難和別成春。玄雲艷曲回天地。絳雪新聲下鬼神。三日空餘梁上響。五更暗動壁間塵。醉來燈下低相問。誰是場頭第一人。

更新曲醉向劉郎說故人楊柳翻殘江上月鷗鳴唱罷隴頭春百年才色憐同調肯許人間步

計尙茫然

後塵

過白鶴江登梧桐崗

古傳此崗有梧桐樹。年年白鶴棲宿樹上。因立館焉。

白鶴江頭江水深碧梧舊館晝沉沉琴村易老三秋色仙馭難調萬里心亂草不知根錯地浮雲空見影歸林千年陳跡登臨晚看到殘碑淚

滿襟

遠望有懷

四郊渺渺夕陽紅閭舍蕭條下晚風暮色鐘催雲外盡秋陰帆落渡頭空山圍大陸重城起水割平原一劍雄國計頻年籌未就北征諸將漫言功

晚眺偶成

薄暮起寒煙秋聲何處邊僧歸松影晚鳥度竹陰天日落山疑複雲開澗似懸一邱堪買隱此朽株

九月遊蘇州寺

寺在永隆省定遠府北

浮蹤無地散羈愁小艇穿林趁晚秋意葉擁階禪院古舌蓮湧座佛芽抽十年岐路餘身健半日壺樽記勝遊故事不須還插菊蘋花新月炤

歸舟

遊蘇州寺至夜分

酒伴邀我去偶然至禪關藉草坐幽徑頹陽來遠山野客去欲盡溪禽殊未還我亦戀幽賞都忘歸路難

寄陳子敏京畿水師協理

爭笑高陽舊酒徒一官孟浪濫齊竽家貧妻子依鄰友世難駕入畏途信有功名錢是翼愧無文字唾如珠勞君萬竅吹噓力那見繁花發

淇川詩草

(文苑) 古詩選錄

仲冬小集示范季友營田使

妖星閃閃瓦南維。白晝閃閃蚩尤旗。大風揚塵
海水黑。疾雷破山山石移。堂堂藩安古雄鎮。四
門洞闢驅胡兒健。夫縮頸就徽纏。黔首橫草憂。
芟夷煙塵漲。天日色死。殺氣匝地陰。風悲我辰。
鞬橐從帥府。君亦鞅掌隨州司。勢窮智勇等無
用。事急徵調將何裨。寧知和親出廟算。不用武。

力張兵威。辰清杞梓上廊廟。日暮鶩蹇當路岐。
君從郡守被特召。我且隆闡參旄麾。五年顛躡
幸不死。一官落托寧嗟卑。禦戎自古貴中策。謀
國要務先自治。司農九扈久失職。樂郊沃壤成
饑疲。羨君特達識。辰務大庭慷慨陳良規。九霄

啣命總農政。萬里馳馬趨南池。烏臺螭陛直聲
寢。桑陰麥隴春雲滋。營田足國豈細術。臣工良
耜。陳周詩。吾儕固非稷契比。勸農導士辰淇川領
永隆督學職所宜。各須努力報明主。安必廉吏不可爲。嶺
梅新放雪花撒。洲橘香美江魚肥。溟鵬變化會
有期。且可倒著白接籬。

丁卯新歲作

一臥龍江渚。年花五度春。漸看兒女大斗覺鬢
毛。新官以遲藏。拙身將儉補。貧故鄉。戎馬在骨
肉。正悲辛。

亡友王用晦有句云。歲與人爲客。官非病不閒。亦復新穎而句法似之。
謹附于此。

倉山公原評

章民著

◎社會夢中夢

(續二)

季男自得師後。學力驟進。不數年。卽能作文。具體舉業。翁嘗舉以誇人。又爲之羅致文士。往來其家。
以爲交遊光寵。每客至。翁出兒文卷相示。客無不交口贊揚之。有與翁親信者。謂翁此皆阮捉刀。翁
勿爲所惑。翁則大怒。以爲諷語而遇阮。益厚。束脩有加焉。阮居翁家凡五年。季男已逾舞勺。乃言於

翁曰僕誠竭數年之心力爲令郎指教。今坯樸已具。當使之遊大先生之門。資其陶冶。兼藉朋輩爲觀摩。可望成立。僕請從此去矣。翁雅服阮善誨。欲留之。但以其言出於誠。不以已之故。誤人兒子。益大感服。乃厚遺其歸。而約十年後。當復來。旁鄉有四科秀才某居家授徒。門下常數百人。學者稱爲文江先生。聲名甚噪。阮曾過從。頗與之善。乃爲書介翁往。以季男委贊焉。說者謂文江先生初非業教師者。先生少有文名。以屢擊誤中副車。不得列仕籍。乃棄舉業。竭力奔走。以求一職。然終弗獲。故當日山中設帳。燈下傳經。寔惟先生晚年自存之計。非其初意也。先生雖講授未久。然循循善誘。故所居成市。富貴家子弟尤樂從之游。翁季男既受業。頗爲先生所殊顧。未幾。季男文名果與先生門下知名士相埒。翁狂喜。益服阮之知人。而希望兒之心。亦達極點。一若以爲吾兒掇取科第事在旦夕。云者。每傍晚事閒。開樽獨酌。朱顏微酡。老眼生花。卽有冠服輿馬旗鼓。一切貴人所當有之物。紛乎其前。閃爍生滅爲狀。至幻。有時端坐合眼。如僧入定。隨意虛構。將來種種快意之境。以爲娛樂。季男退學而歸。則愛煦備至。對之縷述家情。諄諄期望。如吾文篇首所叙者。蓋屢見不一見也。

讀者之意。得無急欲知此狂熱之家庭。其結果爲何如乎。在理。當據事直書。以饜諸君之望。顧著者涉筆至茲。忽發奇想。不能無言。並非循行文之常法。故爲頓挫。以宛轉取姿也。其言曰。嗟乎。虛榮之毒人深矣。夫富貴豈非聖賢所樂。顧懸之於天。得之有道。非可以私意致之。可以私意致之。則其所得者虛榮也。與富貴判爲二物矣。此理甚明。盡人可喻。而世人每沉溺不返。至甘以其身家爲虛榮之殉者。何哉。迫於社會之惡習。相推相陷。而至此也。世之君子。見其然。未嘗不惻怛忧惕。如覩孺子之入井。顧挽回無術。則又曰。貪夫徇財。烈士徇名。夸者死權。衆庶每生不可逃之數也。然乎否耶。然

則所謂奇想者安在乎。著者以爲此時翁若以壽終則其幸福乃至無量何也。翁之所大欲不過奉其孱兒以圖進取。誇閭里洩憤鬱而已。微論求而不得即求而得之亦虛榮耳。夫等是虛也。眼花時之所幻造與坐禪辰之所虛構人生得意之遭翁既飽嘗之矣。田舍翁得此足以不恨不猶愈於稍延歲月以陷於桑海之悲觀乎。雖然此豈翁之見所及亦豈翁之心所甘哉。而著者之想則奇矣。

季男居文江先生門下凡三年適歲值鄉試時彼年十七翁爲兒預備入試計凡有債欠者多先期索還臨行厚其橐而遣之且謂之曰爾年少未諳場則凡事一聽先生毋自誤也。故事秀才居家屆科例得應試而文江先生以屢屈衡尺故不復履場屋者三科矣。至是翁力爲勸駕乃與季男同行。先生門弟子試者亦衆而三場門榜既揭皆季男獨與先生同圍論者異之。翁聞季男入第三場頓足謂其婦曰星士言驗而不驗吾兒却早三年也。於是囑家人籌備一切獨携厚資往至則場門揭曉而季男名在孫山外矣。翁如夢初覺悲憤交集且怒且詈謂師弟同圍一中一落科舉寔不足憑云。蓋文江先生以是科入第四場拔解也。

時文江先生年已老歸家授徒如故而翁則不復許其子來學令其入本省督學場肄業焉。先是季男省試時文理甚優應在冠軍之列。督學官以其年事尚稚且不出門下恐不爲士議所容遂置之第二。今度拜門其得督學官之青睐無疑矣。督學場一省文士所萃高足弟子不少季男廁其間殊未有以自見。會庠學生缺額循例核補季男名預焉一庠皆驚翁是時得意之狀想非吾筆所能寫然其對人言則極守恬淡態度一若以爲吾兒進取尙未可量區區學生無足爲輕重者故一切慶賀多從儉省但祭告亭寺及家廟款待鄉人呈學生文憑而已事畢翁謀諸婦曰今兒齒已長書債

粗償可以授之室矣。盍且圖之。婦請翁意。翁謂旁鄉某某家可。乃倩人遍爲執柯顧所如。不合。翁殊不樂。舊里長某善撮合術。鄉中稱爲「冰專家」。詣翁自薦。翁一一語其所欲。且問計將安出。某言此諸家中有某宦家者。吾說可售也。翁咄咄曰。渠恃門地高。曾閉門謝。吾使子何易之云。某曰。翁奈何不解事。人家買一牛。且猶往復屢次。况覓婦乎。我非易之特以爲吾說可投遲速。終當有效耳。因索酬。以巨款。翁以爲誠。得與某宦聯姻。窮漢食天鵝。破產奚惜。如其數諾之。某往返商確。幾成而敗者屢矣。閱年餘。某宦女卒歸翁家。

諺所謂錦上添花。正此翁當日家庭之韻事也。翁之志可以逞矣。翁鄉故多巨室。然皆武弁及雜流。從未有以文學顯者。且皆凋零已盡。故學生儼然列「首紙」焉。(北圻亦謂之先紙)大有惟我獨尊之概。翁則杖屨怡閒。以鄉老自命。毅然集鄉人之附己者。改定鄉約。嚴鄉飲之位。明慶弔之禮。又摘公田立文址。而推學生爲會主。專租其田。鄉人怒。翁橫以武。斷訟於官。官殊不直。翁父子所爲。將以「不應爲」律從事。翁大懼。乃屏棄家事。竭力支持。閱年有五月。訟事始解。翁父子及鄉人各於官前受薄譴。取消新鄉約。判定文址。田自後分族輪租。兩造各立和休罷奈詞。爲此訟之終結也。

(未完)

▲世界大事記

自一千九百十九年正月二十日至二月二十日

● 西正月二十一日。比王乘飛機巡遊。——里昂電。比王此次巡遊比國佔領之兵營。辰乘飛機往來。因河右岸直至蒂斯堡。爲止。

瑞士總統抵法——瑞士總統阿托爾氏於星期二日由里昂車站行抵巴黎。受法總統柏杏格雷之歡迎。

巴黎電。瑞士總統抵此。以瑞士之要求。提交和會。內有瑞士須爲國際同盟之會員。瑞士須與大海相通爲款。

柏林之國會選舉制——柏林電。柏林消息。十九日舉行國會選舉。全國分爲三十七選舉男女年逾二十歲者。皆有投票權。男女分設票區。被選人名額。以戶口之多寡定之。其最後結果。一月廿五日可以揭曉。羅斯福遺產贈與紅會——里昂電。華盛頓消息。羅斯福氏將其諾貝爾獎金三萬四千佛郎。遺囑贈與紅十字會。

歐洲和會本部之組織——東京電。巴黎來電云。經日英美法議長格雷曼梭(法國)副議長藍莘(美國)委員勞合佐治(英國)哇爾

(辰談) 世界大事記

蘭德(意國)西園寺公望(日本)

資格審查員槐德(美國)巴爾福(英國)康朋(法國)松諾尼(意國)松井慶四郎(日本)

附屬員斯烈德(美國)赫斯德(英國)富勒麻哥(法國)烏薩基(意國)長岡春(日本)

講和會議之俄國

巴黎電。當道雖正式宣布明日各大國會議希望可以規定關於俄事之具體條件。但諸代表覺俄國艱危之現局尚無挽救方法。條件之中須含有數種行動。該條件之第一結果爲薩沙洛夫氏與勞兵會代表均不能抵巴黎爲俄國之代表。一面將從事調查俄國之內局。此項決議乃因有數方面不願與過激黨直接交往之故。大會之決議。弗邀勞兵會代表駐俄丹使與有力焉。該使曾宣讀勞兵會領袖所著之文中言威爾遜總統與喬治君太抱反對革新主義。勞兵會未便與之交往。丹使又報告過激黨之兵數。謂總共不滿九萬人。餘皆無軍械缺服裝云。

德國新憲法之內容

巴爾電。柏林已正式宣布新憲法之草案。其主要各點如下。以目下各邦及根據自決主義願加入之邦。合統一國。外交商務銀行與匯兌工業與田地制航空。皆在政府應辦諸事之列。凡屬德人對於法律上皆享同等權利。所有門閥社會階級與尊教信仰之各項特別權利一律取消。關於宗教自由之款規定不得強人述明信奉何教。目下田產之分配制。因內國殖民大為困迫。應加修改。其詳則尚未發表。國會分兩院。一為國民議會。一為聯邦議會。每百萬人得選議員一人。一人不得同時為兩院議員。兩院立法仁務。以三年為限。總統由全國人民選舉。定任期七年。期滿得復受選。總統於國際事務代表全國。得簡任外交官員。有按國家法律宣戰之權。政府合國務總理

七十

一人與國務員若干人而成。國務總理與國務員悉應由總統簡任。

國務總理與國務員一經議會切寔通過。不信任表決案均應退職。

英藩邦請入國際同盟

巴黎電。英屬自治藩邦在和

會中。因國際同盟之組織。事將提出重要要求。將請准其以各個國家之資格。加入國際同盟。雖對外交。英國有管轄之權。但就內政而言。其主權應為世界所明認。坎拿大。澳大利亞。紐絲。綸。南斐。皆請求依照比利時及其他小國之同一根據。列入國際同盟之權利。

處置土耳其問題

巴黎電。時報謂韃靼海峽。必須作為萬國合有之地。又謂統帶協約軍之英將現已管理君士坦丁警務與衛生事宜。蓋以其地擾攘不靖之故。君士坦丁決不能容其回復舊狀。

中國赴歐會代表之決定

列席歐洲媾和會議之中國全權委員。已如前電任命陸徵祥。王正廷。魏宸組。顧維鈞。施肇基等五氏。其初則聞有僅發表陸徵祥。王正廷二人之說。至今日(二十一日)國務會議。遂決同時發表五人。但歐洲媾和會議中國代表列席人數。現尚未定。若列席委員僅限二人。則以代表南北之意。將使陸徵祥。王正廷二氏列席云。

日政府在國會演說對外方針

東方通訊社二十一日

東京電。內田外務大臣。今日在貴衆兩院之演說。其要旨如左。

過去瓦四年。餘震撼世界之大戰爭。終歸於聯合國方面之全勝。講和會議業已著手舉行。此有光榮之結果。全本於屬於我協同戰鬪國之各國民之勇敢。忍耐。組織力及犧牲之精神者也。此種結果。畢竟足以證明正義之自覺。確有強大之威。誠堪欣快之。至此次媾和會議之目的。不僅欲恢復聯合國與德奧之和平。且欲力瓦世界全體。確立強固之和平基礎。不僅欲了結今日之戰爭。且欲永遠防止戰爭之發生。我政府抱此信念。

以臨講和會議。期望對於足以有所貢獻於此目的之各項提議案。誠心誠意與聯合諸國相協力以圖其成立者也。至帝國與聯合諸國之邦交。則因戰局之發展與利害休戚相共之結果而著加親密之度。自東伏見宮殿下歷訪英法比意美諸國後更可確信帝國與聯合諸國之邦交。藉此更加敦厚有極適切且偉大之效果。帝國曾於去年八日應美國政府之提議。且保持帝國與英法意及中國之協同態度。以援救捷克斯羅伐克軍為主要目的。出兵於東部西伯利亞。然今日威脅捷克斯羅伐克軍之存立之危險業已排除殆盡。我國在西伯利亞之軍事行動主要目的業已達到。但於此時如撤退全部西伯利亞之駐兵。則地方秩序恐不能維持。其影響所及甚有可憂。故惟有仍留駐若干兵力於東部西伯亞利各地。然其兵數須依事勢之發展以絕對必要為限度。苟有認為已超過此限度之兵數。即當繼續遣回本國。帝國政府並不忘却俄國在戰爭初期曾經為聯合諸國協同之目的。勇戰奮鬥。供給巨大之犧牲。牽制德國各方面軍事的活動之功績。但不幸俄國在大戰僅及半途之際。其內部突生變亂。致該國遽爾脫離對德之戰爭關係。唯俄國今年之地位。誠有可憐者。帝國政府希望俄國樹立統一而且有序秩之政府。俾其國各方面愛國之士為國馳驅。克奏效力。將來俄國得再為大國之一。而有所貢獻於世界之進步文明。因此之故。帝政府不辭為俄國而盡綿力。但帝國政府並無干涉俄內政之意。故如乘俄國難。而弄侵略領土。或壟斷利益之政策。我政府斷不採用者也。

我政府甚憂中國南北兩派乖離之態狀。瓦久不解。不獨因此大損該國之康甯。且損害列國之利益。亦復匪淺。故獲得英法美諸國政府之贊同。後曾於去年十二月。對於中國南北兩方。提出友誼的勸告。我政府又因有鑑于中國內訌情形。對華借款動輒惹起內外之誤會。並足以阻礙中

國統一之機運。且恐因此而使中日兩國互生不利之結果。故已決定停止有使中國國內政局益加紛糾之虞之借款。及其他財政上之援助。但我國民在華之財政經濟上之企圖。確係基於鄰接友交國之特權關係。而為當然且正當者。政府斷不從而阻撓之。可不待言。自是而後。中國南北兩方。其有收拾干戈。速開和平會議之說。洵屬可賀之現狀也。我政府不得不切望中國各方面之政治家。拋棄其區區感情之見地。不拘泥於法律論之小節。一以四萬萬民衆全體之幸福為念。察世界大勢之所趨而順應之。遂從速劃定國內之統一平和。以不負友邦之期待。因我國對華方針往往發生無稽之謠言。不得不於茲明白聲言。帝國對於鄰邦中國毫無領土的野心。固不待言。並斷不出于有形無形足以阻礙中國正當國利民福之發達之行動。

帝國依向來屢次所聲明。絕對尊重中國之獨立及領土保全。確守商工業上機會均為開放門戶之主義。同時當以足齊中日兩國永遠而且信寔之諒解。親善之公正共益之方針為龜鑑。以盡我對於鄰邦之友誼。俾中國得遂其有光輝之發達。致力於增進全體中國民幸福之事業。又當歐洲媾和會議之際。帝國亦將以公正友誼之精神。措置關係中國之間。此事尤為帝國政府所深加顧念者也。即如彼膠州灣租借地。苟帝國政府能從德國獲得其由自處分權。自當履行大正四年五月二十五日關於山東省之中日條約關係交換公文之條項。將該租借地交還中國。固不待言。日本於經濟的製造上。直接間接有不得不仰給於中國豐富之物料者甚多。就於此點。吾人確信中國朝野必能尊重中日鄰接友誼之關係。不吝為特別懇切之援助也。

有所貢獻於中國全般之福利。而爲中國國民之所鄭重希望者。帝國當首先助成之。而無所躊躇。

茲更就於國際政局之大勢爲諸君一言之。今者德奧勢力業已消滅。

世界正向一無革新之道路前進。此運動之根柢之理想在欲基於正義。確立永久之平和可無須贅言。此種情形實與我帝國向來之國是極相一致。帝國除依正義與平和之行動謀國家自由之發達。求世界之門戶向帝國正當之活動而開放外。更無他意。世之公平觀察帝國之歷史者必能認識上述之根本要義。始終支配帝國之外交方針而無所躊躇也。但侵略主義或權謀術數的政策其結果僅足貽害於百年之長計。非所以永遠發揚國實之戰信也。帝國政府亟欲以此確信。遂行公正之對外政策云云。

二十一日英國代表談話國際同盟之意見

巴黎電。英國代表團國際同盟部主任薛西爾貴族。今日與英國新聞家談話。謂今日世界尙未至可以絕對嚴格之制度維持國際和平之階級。今縱設國際裁判處。握絕對束縛之權亦礙難寔行。彼預料他日將設一議會而如工界爭端然以勸導和解爲謀求和平者之主力。此種團體應有充分國際保障力。俾能遏止突然宣戰並迫令互爭者承認展緩決裂。以便提出和平解決之法。薛西爾貴族繼論及國際同盟之組織。謂彼意該會應以各大國之代表組織之。其人不必爲外交家。僅須爲政府中有勢力之人員。該會須按時集議。凡與國際同盟規則抵觸之條約均不得予以通過。又謂國際機關已不自今日始。故早有之矣。如郵政電政之類。他如戰前之多瑙河委員會來因會議。甚至尚有國際工黨之機關。此後某某數水道必須處於國際管理權之下。或須担保使不濱海之各國。獲自由通入之道。某某數國關於自由通入薩洛尼加之孔

道。至爲注意。而最重要者。當爲韃靼海峽與博斯波魯斯海峽。此種必要國際機關之榜樣。天然可以導入一新國際團體。而以安定世界各國如其目的云云。

英藩邦列入國際之區別 巴黎電

關於英屬藩邦。在國際同盟中之地位。事聞各藩邦維要求與歐洲小國同得平等之考慮。但贊成以所得于議和大會之同一形式與方法。列入國際同盟。既同是英吉利帝國。故願於同盟中發言投票。如一單位。衆視目前所行之值班制。進行滿意。且信英藩邦代表于國際同盟中。遇有關於海外藩邦之問題時。將爲英代表之一部或全部而發議論。

愛爾蘭國會開幕情形 倫敦電

愛爾蘭新芬黨國會。

昨日午後在杜白林市尹邸開會時。各街皆懸協約國二十九人旁觀席中人頗擁擠。漢倫克特侯爵與瑪克尼爾博士導引議員入場。行開幕禮。繼舉白魯哈爲議長。鄂佛拉那漢神甫即新芬黨之副會長。宣諭祈禱文。旋唱議員名冊。通過永久規則。宣佈獨立文。全國愛爾蘭語言。漢倫克脫侯爵讀致各國之文。請其承認愛爾蘭之國家地位。及在議和大會呈訴之權利。後舉出漢倫克脫范勒拉與格里菲資三人爲赴和會之代表。事畢宣布延會。人爲赴和會之代表。事畢宣布延會。

日本將國葬朝鮮王 朝鮮李太王殿下

於本日上午六時薨逝。已由日本官內省發表。且已決定國葬。(此處電文微有不明) 日皇已發電弔唁矣。

對德休戰條約展期

對德休戰條約已決定展期至二月十

七日爲止。

德國之黨派形勢 里昂電

最近所得消息。證定德國社會多

數黨之勝利。自現在始。該黨似將組成最多數黨。即在反對最激烈之東普魯士亦然。社會多數黨在保守黨之側。已佔第二級。中央黨僅在巴伐里亞獲勝。胡爾夫電社電稱。德政府擬於二月二日在惠瑪爾召集國會。波蘭希望協約援助。巴黎電。五大國大員昨日賡續審查關於俄國時局之證據。波蘭人請協約國助以軍火軍官。法國輿情頗有贊助波蘭人之意。波蘭人自稱如得援助。則將編練大軍。縱不能毀滅過激黨主義。亦可不使蔓延。海勒將軍之計畫。乃在遣派協約各軍所募之波蘭兵十四師。恢復治安。並促急速行之。

葡皇對於復辟之聲明。倫敦電。有人謂葡皇發言。載於每日紀聞報。略謂前總統巴斯氏被人暗殺。致釀成新事局。全國騷擾。葡皇於戰事發生時。曾諭禁保皇黨勿作復辟之運動。今時局既異。葡皇又望保皇黨之始終守其前言也。

德國特分爲八共和國。倫敦電。柏林消息。謂德國將分爲八共和國。而以大柏林爲領袖。戶口一千萬人。餘爲普魯士。西里西亞。白蘭登堡。薩克遜尼。威爾伐里亞。赫斯。與來因地。並將組織日耳曼奧地里亞聯邦。

二十三日法國兩年之徵兵數。巴黎電。據政府報告。法國於一九一四年八月十五日徵兵八百九十萬人。一九一八年一月一日徵兵五百萬人。

中國南北會議消息

北京電。南方代表今日可到上海南京。將開非正式會議。正式大會在上海總商會舉行。北代表吳鼎昌到京報告進行狀況。於徐總統及段祺瑞均表示滿意。

歐會決定對俄辦法

倫敦電。和會公報云。五大國代表已贊

成威爾遜總統之建議案。其中切言共同作戰國政府之唯一志願。乃在輔助俄國人民而不干涉其內政。並重申明共同作戰國對俄之態度。總係友誼而無仇意。又稱各國志在消除俄國目下之困難。及協助恢復其治安。貫徹承認其革命。各國並無擁護反對革命團體之意。且公認俄國若未安謐。則歐洲與世界之和局難以告成。故共同作戰國政府表示願以最合人情之形式。爲俄人效力之意。並請各有條理之團體。即現在西比利亞或在歐洲俄國土地戰前之界線內。已握事權及軍權。或圖握權而未果者。各派代表三人。至瑪摩拉海之泊林斯島。惟芬蘭不在此例。如所請之各方面。願於是時。宣布休戰。並撤回派出攻擊歐洲俄土以外。芬蘭或按照威爾遜總統所布十四條大綱。謀求自治諸處民族與土地之軍隊。則共同作戰國將派代表與之會晤。上述代表會議之目的。乃在徵集俄國人民之志願。俾得了解。庶俄國可藉此實行其主義。並與世界其他民族訂歡洽之交誼。文末請其速復。協約國將以途中種種便利。予俄國代表以經過黑海。並望俄國亦以同樣便利。與共同作戰國代表預料各代表可於二月十五日行抵指定之地點。公報又稱二十五日。將開全體大會。根據喬治君提議案。討論國際同盟問題。

二十四日葡京已宣布復辟。西班牙消息。葡京已宣布復辟。

西班牙內地之自治運動。倫敦電。西班牙加達洛尼亞省之自治運動。今繼續發展。該省參眾兩院議員提議。在巴塞洛那組織臨時政府。以待加達洛尼亞之成立。對內有全權。對外則否。

歐洲列國之軍事會議

里昂電。協約國高等軍事會議。於星期五日晨。在法國外交部開會。討論共同作戰協約國。於休戰條約期

(辰談) 世界大事記

七四

內在西歐陣線保持有實力之兵數問題。決定設立特別委員會。由曲希爾氏勞乞爾氏福煦上將勃里斯將軍狄耶士將軍組成之。

紐約電今晨巴黎公報稱今晨高等軍事議會開會後美總統與各共同作戰國之總揆與外交部長及日本代表開一為時頗短之會議。允以無線電將下述消息傳告世界各處。各國政府現參與促成各國間永遠和平會議者聞歐洲與東方多處現用武略以爭土地之消息深為擾動。蓋所爭土地孰應得之當請議和大會決定也。各政府覺職務所在不得不

發嚴重之警告。凡以武力占地者將大損害其要求。蓋此舉將使人發生一種推測以為用武力者自知其要求未必正當未必有效故欲占據土地而不求權利之證據。欲以威力植其主權而不願將主權取決於民族之審擇。與天然上及歷史上之關係也。是以用武力者將來縱有要求之證據然已啓人之疑且表示其不信任和會之意。究其結果必大不幸。如果欲獲取公道則必須停止用武而以毫無掩飾之誠信提出講求交和會辦理。

歐洲會議之五大要問題

巴黎電。和會明日之公開會議。

當為和會之重要一步屆時將提出五大問題。移交協約國國際專家委員會研究。(一)國際同盟。(二)國際工制。(三)戰爭之負責者。(四)補償與賠款。(五)航海河道鐵路歸各國公有云云。

一·一·五·日葡國復辟黨擊敗

里昂電。葡萄牙京城

消息。里斯本之激戰。其結果共和軍獲勝擊敗王黨。同時共和軍已開始圍攻爾托。該處為暴動主力軍隊所在之處。預期泊爾托當有一決戰。英造船業與和會。倫敦電。路透電社。探悉英國海軍造船程序有無更動。非至和會結束後未能決定。月前政府已有訓令。諭將已造而未完工之驅逐艦及巡洋輕艦等暫停工作。

一·二·六·日法飛行家觀日皇

東京電。法國飛行團

長福爾大佐等二十三名於今日午前入覲日皇。

一·二·七·日德國國會各黨所得議席 巴爾電。今日柏林消息。德國國會選舉各黨所得之席如下。社會民主黨十五。中央黨九十一。民主黨七十五。保守黨三十八。國民自由黨二十二。獨立黨二十二。餘黨八。

一·二·九·日德國媾和代表人員

亞姆斯特丹電。柏

林消息。德國媾和代表團人員為施特滿氏。藍超伯爵。彭斯托夫伯爵。歐士白格氏。郝斯滿氏。施特滿氏與藍超伯爵專事出席於公開會議。餘員將辦理一切談判。

青島問題之爭論

巴黎電。五大國代表十人開會二次。討論

遠東太平洋斐洲德國殖民地事。中華代表亦被邀與會。當討論山東前途之際。中華顧王二代表與日本牧野松井二代表頗有爭論。中華提出普通與特殊之請伸公道。又謂中華有四萬萬生靈。人工物力均極富厚。力能施行民治。其所提出之要求不能漠然置之云云。王正廷君且促請和會恢復中華所被侵奪之各項主權。日本代表辯稱青島乃日本用兵奪諸德人之手。有勢力之美人意見。謂今日各種密約已成廢紙。以有背威爾遜總統主義之原理故也。

一·二·一·月一日工事條例委員會開幕

倫敦電。路

巴黎公報云。編擬工事條例之國際委員會今日開第一次會議。一致公舉美國工黨領袖戈泊士君為主席。舉荷塞羅氏為首相兼陸軍大臣。葡國保皇黨確占勝利。已組織新政府。舉柯塞羅氏為首相兼陸軍大臣。

臣之職。

二日英國罷工風潮之反動

倫敦電。蘇格蘭克萊德河境內之工人今日在葛文地方開反對罷工大會。通過議案深斥罷工者強令他工隨同罷工之不法手續並願運其勢力以維持秩序。

北俄總統遊巴黎 倫敦電。北俄政府總統恰柯夫斯基氏現作巴黎之行。曾在倫敦語客謂國際同盟如不容俄國加入則

不能成事。協約國對於俄國問題必須覓一有生機之解決。如泊林斯島召集大會之計畫實無濟於今。須迫令過激黨退讓政權如彼等不當則

國際同盟須組織大軍。寔行命令云。

四日日本提出覺書於中政府

中華新報載北京

專電云。四日申刻日使小幡氏向中華外部呈遞覺書。謂要撤去歐會中山東議案云。

韋瑪已開內閣會議 丹京電。昨日韋瑪電稱德政府

諸員已抵該處。開內閣會議。

五日北京政府之戒飭中國議和使——中華新報六日載北京電云。

昨日開國務會議後錢總理即致密電於巴黎。中國媾和委員蓋因中國媾和委員。顧維鈞王正廷等在歐洲媾和會議中就於已經決定之中日諸問題。提議種種議論。駐京日本小幡公使曾於本月二日向政府提出質問。故此項密電係聲明該委員等之言動實超越中國政府之方針之外。同時又致密電於該委員等以戒飭之也。

財政委員長之推定 倫敦電。

昨日巴黎公報云。財政委員會第一次會議公推意首歐蘭都君為會長。法國財政總長克洛

資君所擬之國際同盟財政科計畫現已委芒台格君審查。

六日日本選舉改正後之閣議 東京電。

日本政府於五日晚間開定例內閣會議時可決選舉法改正案。依據此項新律定區制為小選舉區。舊律納現行直接國稅十元者得有選舉權。新律祇須納國稅三元以上即得有選舉權。定額數為四百六十二名。人數

電文稍有不明)

七日波蘭選舉之結果 里昂電。

華沙消息。波蘭選舉結果如下。國名聯合黨四百席。(包括國民黨民主黨進步黨崇憲黨

平民黨)社會黨八十席。猶太人十五人。

比政府答復國會 里昂電。

比京消息。比政府答復國會議員關於創設國際調查委員會調查德軍在比境殘殺焚掠各節。宣稱該委員會不日即將成立。

列國議草案 倫敦電。

今日巴黎公報宣稱捷克斯拉夫代表克拉瑪君。希臘代表維尼齊洛斯君。波蘭代表杜夫斯基君。維馬尼亞代表狄亞滿第君。昨晚參與國際同盟委員會贊成關於同盟確定職務至重要問題之規則。現已議及草案之半。

日政黨對於預算案意見 東京電。

政友憲政國民三黨皆於日本開代議士會決議完全承認政府預算案。唯憲政國民兩黨

擬於該案可決時發表警告及希望。

八日英相離和會返國 里昂電。

勞合喬治氏於星期六日晨十時由巴黎赴倫敦。勾留二三星期。喬治氏離職期內米納貴族偕貝爾福氏出席於十代表會議。歐蘭都氏亦于星期六日赴羅馬。

法國軍官之陣亡數 里昂電。據軍部消息。自一九一四年起至一九一八年止。法國將軍陣亡者四十一員。其中五員爲師長。三十六員爲旅長。

美督辦謀救比國經濟 里昂無線電

比京消息。美國糧食督辦何伏氏現赴不魯塞勒與比內閣閣員及大實業家討論。速即恢復比國經濟之善法。

威統總準備回國 里昂電

勃來斯脫消息。大西洋郵船喬治華盛頓號載威總統返美者已行抵勃來斯脫(Brest)港。鐵甲艦新墨西哥號將護送喬治華盛頓號云。

歐洲之軍事會議 河內白梅無線電。接里昂來信。協約高等軍事會議商議左之各件。(1)分配住在德境之協商軍。(2)派兵住在亞洲土爾其(3)改定停戰各條款。凡柏林政府未履行者。迫其履行。(4)施行屬於收沒德潛艇之條件。

德議院之集合 德之國民議院。集合在偉衣磨(Weimar)舞台。有軍隊之保護。約二萬五千人。繫悲首相宣告云。德之戰敗。我人民宜查究其帶有戰爭責任之人。

九日法美間航務恢復 里昂電

紐約消息。法國哈佛爾紐約間大西洋之航務中止已四載。餘業於二月八日重行恢復。郵船勞蘭號已起碇赴哈佛爾。此爲大西洋郵船公司重行恢復其商業及其紐約哈佛爾間直接之航線。此線於戰事起後即已中止。嗣後哈佛爾每週通常有郵船開行一次。在四日內該公司開行郵船三次。載客四千人。勞蘭號所載之旅客有法國駐巴西公使在內。

亨都拉斯發生暴動 里昂電。聖薩爾伐達爾消息。脫格

西加爾堡(中美洲享都拉斯共和國之京城)電。稱脫格西加爾堡發生嚴重之暴動。內務總長末野氏被戕。
(以上法國無線電)

國際同盟之集議 里昂電

國際同盟委員會於星期六日集議。保存其數種問題。將中一特別委員會處置。

十日各國請取消中國國防軍 里昂電

據北京電。英使提議聯合美法意日請取消國防軍。聞者均謂深合中國民意。

中國外部披露中日新交涉 北京電

關於中日新交涉。外交部已正式發表聲明。如左。自日本小幡公使爲歐洲和議問題訪

問外交部陳代理總長以來。新聞紙揭載謬誤之記事。謠言蜂起。世人不察。以偽爲真。寔爲遺憾。茲將當日會見情形披露於左。以免世人之誤會。

一月三十一日晚間日本公使以電話聲請即日與代理外交總長會見。因其時適值陰曆正月。陳代理總長外出不能接見。日使遂約於二月

二日即星期日午後相見。是日下午三時半。小幡公使帶同西田通譯官來訪外交次長官舍。陳代理總長出見。外交部參事施履本亦在座。當時談話之要點。即小幡公使有得歐洲日本代表牧野男爵來電。聲稱在

歐洲之中國代表並未先與日本接洽。忽告新聞記者曰。關於中日兩方所結關於山東問題之秘密文書。無論何時皆可發表云云。日本認此舉爲違反外交之慣例。頗令日本政府有不快之感。日本亦不能不維持相當之國際地位。茲奉本國政府之訓令。乞中國政府注意並請中國代表等語。且云日本政府並非反對發表此種文書。特以中國代表之行動於手續上有所不合而已。云然世人不察。謠言繁興。中外新聞紙以一月三十一日路透電傳播中國代表顧王二氏與日本代表互相辦

小幡公使於陰歷正月休暇中。急求會見外交總長。如是更爲種種臆測之詞。甚至謂日本要求中國政府撤回顧維鈞王正廷二氏。否則日本將永遠占有青島。此實完全不明真相之誤謬電報也。因此兩國國民滋生疑惑。日本新聞紙亦謂日本現內閣目下常爲公平之聲明。努力使中日親善說之見諸事寔。北京政府不察。反不諒日本政府之真意。以致釀成今日之現象云云。此以日本私人推測之詞議。中國政府之不解事者也。使果如日本新聞紙所記載。日本政府於事寔上表示其誠意。則中國朝野人士自無不諒解。日本之親善的精神。各國代表今在巴黎會議之上。席各顧本國之利益爲正確之主張。就於今日國家獨立自存上爲應當主張之議論。他國決無絕對反對之理由。世人何得妄生臆測。而忘卻世界各國公平自由之正義耶。今日正在謀中日親善之寔現之際。更不可有何等之誤解。深望兩國代表不再發生何等之誤解。互以對等主義相待遇。勉合於維持世界和平之旨云云。

十一日歐洲和會會議

法國無線電。禮拜四。五大強國已集合委員。決定屬於增加停戰期限之條款。福許統將爲座主云。萬國社會黨。法國無線電。萬國社會黨集合。皆表同意。不公認(Bolcheviks)黨。

十一日比國之要求

歐洲媾和會已收認比國代表之要求。各款將來另於會議中解決之。

國際同盟會

聞英美已與法同意。擬另設國際水陸軍。

德國舉統領

德國國民議院已公舉緊悲君爲統領。

十四日威總統國際條約之預草

巴黎電。美總

統曾以國際條約預草。提出各國。這條約之內容。在絕爭端而保永久之和平。並各民族今後宜以親愛之情。相爲交際云。

十五日和局中之日本 據 Francisco 消息。則和局中美國與日本。若不表同情。日本則始終決在占領太平洋各島。恐因是而和局進行之緩慢。將來想必從國際盟會解決之。

列國會對於國際條約預草之同意

巴黎電。自美總

統及美意希臘各代表。相繼演說。後列國皆順認屬於國際條約之預草。其中有設立國際法律。以預防大法及比塞各國將來之危險。又設國際裁判。所以解決各爭端。凡預會之國家。有危險。可以財力或兵力保護之。劃定各機廠。屬於製造軍器之界限。使各國須以自國各機廠現有之能力。呈報於國際會。又保護各屬地。及已失獨立權之國家。其保護法。則國際會另詢此各弱國人民之同意。欲順從於何強國者。各國另委此強國代理之。

十七日歐洲停戰期限之改定——巴黎電 福

許統將已遞呈列國。屬於敵國在德來偉士(Trèves)所記認之停戰各新款。據辰報所載。則此次改定停戰限。原無期限。以至議和簽認之日爲止。仍協商系得臨辰廢此期限。只先於三個日通報德人知之而已。且德人又當撤回在波蘭之兵。其國中軍隊只得留伍二十五萬人。協商系得監督德國之各機器廠云云。

十八日大法首相格雷曼梭(Clémenceau)公被刺客所傷

一。是日早有一兇手。因法首相車行辰。突於路旁以手槍行刺。首相被傷於肩旁。仍傷勢不甚重。故首相得以步行歸營。兇手即辰被獲。聞其人乃屬於破壞主義之一人。無復有黨派云。法總統柏杏格雷公及駐巴黎各國代表。均抵首相府探問。據最近消息。則首相已能行動。約一禮拜可以平復。聞現日媾和會。則法外相代理會長之職云。

● 東洋辰事

▲ 邏羅皇弟遊歷東洋

暹羅皇弟 Purachatra 公前曾在歐洲留學。已領得工科技師文憑。歸國後現充陸路監督大臣。及領工兵中將之職。此次遊歷東洋。乃因全權大臣之邀駕。以聯絡暹國與東洋之感情。及因此一行考察東洋交通之政也。皇弟於西正月二十九日由曼谷城起程。乘 Bonite 艤。二月一日抵高綿城。遊行於高綿境內各地。全權大臣已於二月初旬自河內往西貢接駕。至二月初九日。暹皇弟行抵西貢。三月初一日抵河內。聞將逗留數旬。遊觀各地。另隨我東洋全權大人抵京云。

■ 東洋全權沙露大人致電問安於大法首相

近日大法首相格雷曼梭公爲一破壞蕩子所傷。我越南人聞此信者。上自我皇下及國中之人。民無不痛恨彼兇手之狂悖。多致電探問。以表對於大法首相之感情。及聞首相無恙。則欣然有喜。無異前月之對於東洋全權大人也。噫。數月間而使我越人兩度吃驚者。彼狂悖輩亦可謂罪大惡極矣。然吉人天相。想其中必有公道正義之神。爲之主持也。首相者。我沙露全權之篤友也。自接首相被傷之電。全權大臣在西貢有致電問安如左。

纔聞發生此大慾極惡之行動。傷我救國人物之玉體。則東洋全境之人民。無不引爲痛恨。法越億兆人之手掌。皆西向行禮。以表愛戴我首相之誠。人人皆樂願輸自己之血脉。以護養大人無價之性命。雖然。今日世界之大局。大法之功業。和平之前途。愛公理好自由的人類之運命。全賴

於大人之手。則安忍中途而致其危險。彼蒼蒼者。其必證明我等祈禱之誠也。我等惟丁寧憑感觸之一念。希望之一念。以等待母國通知於我輩曰。母國最寶貴之愛兒已痊愈了。已平復了。

河內開智進德會之第一次管治會同集議

本月正會主馬迪公。因公隨全權大臣往西貢。由臨辰副會主裴廷佐先生代行。借致知會館集管治會同。以公認第一次入會之員人。西二月二十三日〔禮拜日〕。上午屆九點。各創立會員齊集。首由裴廷佐先生宣讀會之條例。及統使大臣西二月初五日之議定。屬於準許開智進德會設立於北圻河內者。繼宣讀第一期入會之各主持會員姓名。共壹百十餘人。〔名具載於國語部份〕。間有各省之總督巡撫按察知府知縣各達宦多人入會。及學農工商並總里各項人物者。讀完管治會同。皆全體公認。這各會員加入第二次之管治會同。繼裴先生提議。謂創立會員與主持會員。其名雖異。而寔則一。然因兩名差殊之故。故在外有多人誤會。請當如何解明之。辰有謂宜改主持會員爲創立會員者。仍管治會同各人。皆謂主持者特不過創立之變名。據法文章程內。則惟有創立會員一名詞而已。仍炤某條。則有前創立會員及新創立會員之別。譯者欲易於稱呼。故以創立主持兩者譯之。其寔則一。非有分輕重也。今請帖已經送達。現有多人記名入主持會員。故礙難變改。然以正義解釋之。於會既成立後。則創立之義不若主持之義之妥當。蓋未成立之前。則要在創立。若成立之後。則要在主持之事功也。即如創立二十人。然成立後。則此二十人已經過創立之辰代。而屬於主持之辰代。據法文上固無礙義。若漢文上而只用創立二字。恐於義不包括。何則。豈有會既成立後。而今後之明年來年。或至十年數十年。有人入會。猶謂之創立會員乎。故此二名詞。特不過用其義之穩妥之包括耳。要之。主持者卽創立也。權利同責仁同。無分別也。况創立難。主持亦難。

主持之功業。又豈減於創立哉。於是各會員皆取決無須變換。只作一解釋。登諸報章。以釋誤點。繼提議以會名義。拍電敬探大法首相格雷曼梭公。因公纔被刺客所傷者。並致祝法首相早日痊愈。以表思慕之感情。全體會員皆贊成。至十一點散會。

大南刑律意出版

近日河東總督黃仲敷大人。纔譯出大南刑律意一書。這書乃河東第二級審判官以法文撰出。而大人翻繹出國文者也。夫譯律難。而譯律意又尤難。然這譯本大人能擇簡明易曉之文體。以寫出法律之哲理。使讀者易於體認。誠我南律學上之第一工夫也。記者前年有翻繹新律一部。於譯出辰。每逢艱處。輒廢筆嘆息。或勞數日之工夫。然後覓得一名辭。然於譯出後。或指摘之者。批評之者。屢有所聞矣。及其施行之數月後。則已成習慣。初不見其難解者何在也。今總督黃大人能以簡明之文字。譯出這律意一本。其惠及我人。寔非淺也。因是記者請有一語。以進我國人焉。歐西之學。非盡人而能認識也。使於國中新學諸先生。專於政治者。則譯出政治書。專於法律者。則譯出法律書。專於工藝者。則譯出工藝書。專於教育者。則譯出教育書。以餉其全國之人民。則新學方有益於社會。試觀河東總督黃大人。上審總督申大人。以高官達宦。百務紛冗之日。而猶能以其暇時刻。從寔驗之學問上。繹出國語以餉讀者。卽前日申大人所譯出之安南律學一本。今日黃大人所譯出之律意一本。是切願凡我新學諸公。宜準此作法。從事於有益之翻繹。俾無一科學。不有國語之書籍。此國民之所歡迎者也。若夫無所著述。而只批評人指摘人。及援自己之學力。以目他人之腐陋。噫。此則吾儕國民豈敢聞哉。